



Pānuitia **ki** te pukapuka.

Read the book.



Pānuitia te pukapuka.



Kia kaua te 'ki' e noho mai ki te rerehāngū.



E whiua **kē** ana tēnei pōro.

This ball is being thrown instead.



E whiua kētia ana tēnei pōro.



Me hāngū hoki te 'kē' ina noho hei pūmuri mō te tūmahi hāngū.



Koinei hei wānangahia mā tātou.

This is what we will discuss.



Koinei hei wānanga mā tātou.



Kaua e whakahāngūtia ngā
tūmahi e whai ana i te 'hei'.



I kōrerohia anōtia tēnei i te hui.

This was spoken about, again, at the meeting.



I kōrerohia anō tēnei i te hui.



Kia kua e whakahāngū i te 'anō',
ahakoa he tūmahi hāngū te kupu i mua.



Kua mutu au i aku mahi.

I have finished my work.



Kua mutu i a au aku mahi.



Me noho te 'i' ki mua i te pūtake o tētahi āhuatanga.

 **Kua oti te tangi o te pere.**

The bell has stopped ringing.

 **Kua mutu te tangi o te pere.**



E kore te tangi o tētahi pere e '**oti**', ka '**mutu**' kē.

 Kāore **au he** pepa.

I don't have any paper.

 Kāore āku pepa.



Ko te 'Kāore āku/ōku' kē te huarahi hei whakaatu kāore i a koe tētahi rawa, tētahi mea kē atu rānei.



Kāore anō au **kua** haere.

I haven't yet been.



Kāore anō au **kia** haere.



Ko te 'Kāore anō ... kia' te whakakāhoretanga o ngā rerenga e tīmata ana ki te 'Kua'.



Kāore au **kei te** haere.

I'm not going.



Kāore au i te haere.



Ko te 'Kāore ... i te' te whakakāhoretanga o ngā rerenga e tīmata ana ki te 'Kei te'.

 Ehara au **he** kaiako.

I'm not a teacher.

 Ehara au i te kaiako.



Ko te 'Ehara au ... i te' te whakakāhoretanga o ngā rerenga e tīmata ana ki te 'He ... au'.



Nāku te kai i tunua.

I cooked the food.



Nāku te kai i tunu.



Kia kua e whakahāngūtia te tūmahi
o tētahi rerenga kaimahi.



Mā wai e tuku *i* tā tātou karakia?

Who will conduct our karakia?



Mā wai e tuku tā tātou karakia?



Kia kua e whakamahi i te 'i' hei tohu
i te taunga o te rerenga kaimahi.